

Oqaluuserisassanut nassuiaat.

(Inatsisartut Siulittaasuat)

Aalisarnermut, Piniarnermut Nunalerinermullu Ataatsimiitita-liaq qinnuteqarpoq oqaluuserisassani immikkoortoq 126-ip: Uunga siunnersuut: Aalisarnermut aningaasaliissutitut immik-koortitat pillugit Inatsisartut inatsisaata allanngortinnissaa pillugu Inatsisartut inatsisaat nr. xx, xx 2015-imeersoq, aap-passaaneerneqarnissaata novembarip ulluisa tallimaanniit no-vembarip ulluisa aqqaneq-aappaannut nuunneqarnissaanik.

Ilaqutariinnermut Peqqissutsimullu Ataatsimiititaliaq qinnute-qarpoq oqaluuserisassani immikkoortoq 115-ip: Pinartumik napparsimasoqartillugu ilaquataasut Københavnimi kalaallit peqqissartut najugaqarfianni ineqartinneqartillugit ineqarner-mut aningaasartuutit 2016 aallarnerfigalugu pisortanit akiler-neqartalernissaat sulissutigeqqullugu Naalackersuisut peqqu-neqarnissaannik Inatsisartut aalajangiiffigisassaattut siunner-suut, aappassaaneerneqarnissaata novembarip ulluisa sisa-maannit novembarip ulluisa qulingannut nuunneqarnissaanik.

Ilaqutariinnermut Peqqissutsimullu Ataatsimiititaliaq qinnute-qarpoq oqaluuserisassani immikkoortoq 17-ip: Qinnqornerit ioninngortitsisartut pillugit aamma qinnqornerit illersuute-qarnissaq pillugu Inatsisartut Inatsisaannut nr. x, ulloq xx. xx 2015-imeersumut siunnersuut, aappassaaneerneqarnissaata pingajussaaneerneqarnissaatalu kinguartinneqarnissaannik. Immikkoortoq maanna ulloq 24. november aappassaaneerne-qartussanngorpoq, ulloq 2. december pingajussaaneerneqar-luni.

Naalackersuisut qinnuteqarput oqaluuserisassani immikkoo-tut 98, 160 aamma 161 aappassaaneerneqarnissaasa pingajussaaneerneqarnissaasalu kinguartinneqarnissaannik.

Siunnersuutit qulequtaraat:

Immoortoq 98: Uunga siunnersuut: Siusinaartumik pensioni-siat pillugit Inatsisartut

inatsisaat nr. xx, xx. xx 2015-imeer-soq,

Immikkoortoq 160: Siunnersuut uunga: Utoqqalinersiaqarneq pillugu Inatsisartut

inatsisaat nr. xx, xx. xx-meersoq, aamma

Immikkoortoq 161: Uunga siunnersuut: Inissiani attartortittak-kani ineqarnermut

tapiissutit pillugit Inatsisartut inatsisaat nr. xx xx xx 2015-imeersoq

Immikkoortut 98, 160 aamma 161 aappassaaneerneqassapput ulloq 10. november, ulloq 13. november pingajussaaneerne-qarlutik.

Inatsisinut Ataatsimiititaliaq qinnuteqarpoq oqaluuserisassani immikkoortoq 110-p:

Naalakkersuisut ikiaroorartunik Ka-laallit Nunaannut eqqussuineramik akiuiniarnerup

nakussassar-neqarsinnaanera pillugu kingusinnerpaamik UKA2016-imi

nassuiaammik saqqummiussinissaannik pisussaaffilerneqar-nissaannik Inatsisartuni

aalajangiiffigisassatut siunnersuut. Tassani allaaserineqassaaq ikiaroorartunik

eqqussuineramik akiuineq qanoq nakussassarneqarsinnaanersoq, tassani ilan-

ngullugu tamanna pillugu qallunaat naalakkersuisuinik isuma-qatiginninniarneq.

Nassuiaammi aallaaserineqassaaq suliniutit qanorpiaq ittut atorlugit Kalaallit

Nunaannut avataaniit tikittu-nik, pisattanik nassiuksanillu nakkutilliineq

pitsaanerulersinne-qarsinnaanersoq, tamatumalu aningaasaqarnermut inuiaqati-

giinnullu sunniutai suussanersut, aappassaaneerneqarnissaata

kinguartinneqarnissaanik. Immikkoortoq 110 maanna ulloq 1. december

aappassaaniigassanngortinneqarpoq.

Inatsisinut Ataatsimiititaliaq taamatuttaaq qinnuteqarpoq im-mikkoortoq 162-ip:

Kalaallit Nunaanni eqqartuussisarnermut inatsisip allanngortinneqarneranik

inatsisissatut siunnersuum-mut (pinerluttulerinermi il.il. meeqqat inuusuttullu

videokkut apersorneqartarnerat) Namminersorlutik Oqartussat oqaase-qaatissaannut

Inatsisartut aalajangiiffigisassaattut siunnersuut, aappassaaneerneqarnissaata

kinguartinneqarnissaanik. Immikkoortoq 162 maanna ulloq 1. december

aappassaanii-gassanngortinneqarpoq.

Kultureqarnermut, Ilinniartitaanermit, Ilisimatusarnermit Ila-geeqarnermullu

Ataatsimiititaliaq qinnuteqarpoq oqaluuseri-sassani immikkoortoq 163-ip: Siunnersuut

uunga: Eqqumiitsuliornermik ingerlatsineq pillugu Inatsisartut inatsi-saat nr. xx, xx. xx

2015-imeersoq, aappassaaneerneqarlunilu pingajussaaneerneqarnissaata

UPA2016-imut kinguartinne-qarnissaanik.

Naalakkersuisut kissaateqarput oqaluuserisassani immikkoor-toq 100-up: Uunga siunnersuut: Nukissiornermi ikummatissat avatangiisinut akitsuutaat pillugu inatsisartut inatsisaata allan-ngortinneqarnera pillugu Inatsisartut inatsisaat nr. xx, xxx 2015-imeersoq, tunuartinneqarnissaanik. Immikkoortoq UKA2015-imi oqaluuserisassanit peerneqarpoq.

Aningaasaqarnermut Ataatsimiititaliaq qinnuteqarpoq oqaluu-serisassani immikkoortoq 7-ip: 2016-imut aningaasanut inatsi-sissatut siunnersuutip, aappassaaneerneqarnissaata pingajus-saaneerneqarnissaatalu kinguartinneqarnissaanik. Immikkoortoq 7 aamma ulloq 11. november aappassaaniigas-sanngortinneqarpoq, ullorlu 20. november pingajussaaniigas-sanngortinneqarluni. Taamaalilluni aamma ulloq 20. november immikkut ataatsimiiffiussaaq.

Naalakkersuisut oqaluuserisassani immikkoortumik nutaamik nalunaaruteqarput, tassalu immikkoortoq 42: Naalakkersuisunik qinersineq. Immikkoortoq taanna immikkoortoq manna naammasseriarutsigu oqaluuserisassani immikkoortutut siullertut oqaluuseriumaarparput.

Siunnersuuteqartup oqaluuserisassani immikkortoq 50: Atuartut ilinniarfinnut ingerlaqqinnissaminni periarfissaris-saarnerunissaat qularnaarumallugu sapinngisamik kommunit suleqatigalugit meeqqat atuarfiini tamani atorfirmut tulluutumik atuarfinni siunnersortit pikkorissartinneqartalernissaanut suliniuteqaqqullugit Naalakkersuisut peqquneqarnissaan-nik Inatsisartut aalajangiiffigisassaattut siunnersuut, tunuar-tippaa.

Immikkoortoq oqaluuserisassanit peerneqarpoq.

Siulittaasoqarfik Politiit pillugit Naammagittaalliuuteqartar-fimmut ilaasortaaitassanik toqqaqqusissummik tigusaqarsi-mavoq. Tamanna piumaarpoq ulloq 18. november oqaluuseri-sassani imm. 5-ip oqaluuserisassani immikkoortut kingullertut oqaluuserineqarnerani.

Juliane Henningsenip Inatsisartunit tunuarneratigut sinniisus-samik, tassalu Hans Aronsen, Inuit Ataqtigiit, ataatsimiigialu-qusisoqarsimavoq Múte B. Egede Inatsisartunut ilaasortavin-ngormat.

Qinigaanerup Misilinneqarnissaanut Ataatsimiititaliap Hans Aronsenip qinigaasinnaanera akuerisimavaat.

Taamaalillunga inassutigaara Hans Aronsenip Aaja Chemnitz Larsenimut sinniisussatut Inatsisartut ataatsimiinnerinut peqa-taasinnaanera Inatsisartut akuerissagaat.

Akerliusoqarnerluni

Taamaalillunga Hans Aronsen tikilluaqqusinnaavara maanilu inissaminut ingeqqullugu.

Ilaasortat uku akornanni taasisarnerit pillugit isumaqati-giissuteqartoqarpoq:

Kalistat Lund, Inuit Ataqtigiit aamma Nikolaj Jeremiassen, Siumut

Ineqi Kielsen, Siumut aamma Sara Olsvig, Inuit Ataqtigiit

Suka K. Frederiksen, Siumut aamma Peter Olsen, Inuit Ataqa-tigiit, ullumi

ataatsimiinneq eqqarsaatigalugu